

Месяца септембріа в ки день
Служба прпбнымъ кириллу и марии,
родителемъ прпбнаго сергия радонежскаго
На велицей вечерни

Блженъ мужъ: а-й антифонъ. На Гди воззвахъ: стіхиры, гласъ и:

Подобень: О, преславнаго чудесе:

Буди блгословенна, земле ростовская, / въ малемъ селении
варнице/ блгочестивую чету всему миру явившая, / кирилла и
марию приснопамятныхъ, / добрый образъ честнаго супружества,
/ достойныя родители сергия великаго. / Тии бо ныне престолу
бжию / вкупе предстояще, / молятся о спасении душъ нашихъ.
Именити и славнии / боярскаго рода наследницы, / княземъ
ростовскимъ вернии служителие, / всехвальнии кирилле и марие,
/ безвестную варницу лепоте градстей предпочетши, / идеже
блгочестно поживше, / воистинну древо доброплодное явистеса, /
плодь прекрасный израстивше сергия великаго и досточуднаго.
Прпбне отче кирилле, / печальника земли русския блгословенный
родителю, / въ годину тяжкихъ испытаний, / многочастне въ
станъ неверныхъ княземъ ростовскимъ сшествуя, / блгая
отечеству и церкви/ устроить вспомошествовалъ еси. / Ныне же въ
селениихъ нбныхъ водворяяся, / молися гду / да спасеть отъ
работы греховныя души наша.

Преподобная мати Марие, / благочестиемъ и целомудриемъ
сияючи, / житиемъ твоимъ Богу угодила еси, / Той же сотвори тя
достойну / избранный сосудъ Духа Святаго чревоносити / и
служителя усерднаго Святыя Троицы миру явити. / Ныне же съ
нимъ въ селениихъ праведныхъ водворяющихся, / молися Господу
/ спастися душамъ нашимъ.

Слава, гласъ 5:

Приидите, вернии, / похвальными словесы родители Сергия
преподобнаго восславимъ, / достохвальную чету, добрейшия
супруги, / таковому младенцу сподобльшиися быти родители. /
Богъ предуготова я къ дивному сему рождеству, / быста бо
угодницы Божии, / праведницы пред Нимъ и людьми, /
евангельскому гласу возследницы / и всякими добродетельми
украшении, / иже и ныне предстоятъ Престолу Святыя Троицы /
и молятся о душахъ нашихъ.

И ныне, Богородичень.

Входъ. Прокимень дне. Чтения преподобническа.

На литии стіхиры, гласъ 3:

Въ храме стоящей Марии блаженней, / и глаголы Евангелия
готовей слышати, / внезапно възграся младенець во чреве ея / и
гласомъ велиимъ возопи, / благовестника Слова Божия себе
предзнаменуя.

Въ храме стоящей Марии всехвальней, / прежде даже не певаемей
песни Херувимстей, / паки во утробе ея младенець возгласи, / со
Ангелы прославляя / грядущаго на вольная страдания Христа

Жизнодавца.

Въ храме стоящей Марии преславней, / иерею же Святая святымъ
возгласившу, / се уже третье возопи младенецъ во утробе ея, /
пророчески себе назнаменуя / благоговейнаго служителя тайн
Тела и Крови Господнихъ.

Слава, гласъ и:

Что убо отроча сие будетъ / въ страсе и трепете кийждо другъ
друга вопрошаху / слышавшии трикратное младенца
возгласение. / Ты же, Марие блаженная, / въ знамении семь
предзрела еси избрание твоего чада / на служение Триединому
Богу / и поклонение Ему въ душе и истине.

И ныне, Богородичень.

На стиховне стихиры, гласъ и:

О веры славныя, о любве благия! / Всечестнии Кирилль и Мария, /
яко же и во дни древния / Анна, мати Самуила пророка, / въ
служение и даръ Богу, Дарователю всяческихъ благъ, / прежде
даже не родитися ихъ младенцу, / въ совете своемъ того
приносять.

Стихъ: Честна предъ Господемъ / смерть преподобныхъ Его.
Богомудрии Кирилле и Марие, / чадо ваше Варфоломея, / иже
есть сынъ радости, нарекли есте, / той бо воистинну Российстей
Земли явися / радование, скорый помощникъ / и преславный
чудотворецъ.

Стихъ: Что воздамъ Господеви о всехъ, / яже воздаде ми?

Промышлениемъ Божиимъ водимии, / преподобнии Кирилле и
Марие, / въ землю Радонежскую преселистесе, / юже и
добродетельми вашими украсили есте, / подвиги благочестия
показавше, / и люди въ ней живущия, / путемъ Христовымъ
шествовати поучали есте, блажении.

Слава, гласъ 4:

Въ подвизе родительствомъ добре трудившесе, святии, / въ немъ
же и чада ваша, / Петра, Стефана и Варфоломея избраннейшаго, /
въ ревностнемъ служении Триединому Богу / и Пречистой
Божией Матери воспитасте. / Ныне и намъ молитвами вашими
помозите, блажении, / путемъ Христовымъ неленостно
шествовати.

И ныне, Богородичень.

Тропарь, гласъ 3:

Блаженствъ Христовыхъ причастницы, / честнаго супружества и
попечения о чадехъ добрый образе, / праведнии Кирилле и
Марие, / плодъ благочестия, Сергия преподобнаго, намъ
явившии, / съ нимъ же усердно молитте Господа / низпослати
намъ духъ любве и смиренномудрия, / да въ мире и единомыслии
/ прославимъ Троицу Единосущную.

На утрени

На Богъ Господь: тропарь преподобнымъ, дважды. Слава, и ныне,
Богородичень.

По 1-мъ стихословии, седалень, гласъ 5:

Благословенна буди, достойная супружеская чето, / всехвальнии Кирилле и Марие, / матери бо пророка Самуила, Анне подражавшии, / и яко та, такожде и вы младенца, аще родится мужеска пола, / Богу послужити въ совете своемъ положили есте. Слава, и ныне, Богородичень: Величия Твоя, Богоблагодатная, кто исповестъ? / Бога бо плотию родила еси, / ключи девства нерушимы сохраниши / и чистотою богоприятнаго существа Твоего вся Небесныя силы превозшедши. / Темже песньми немолчными восхваляем Тя, / Едина Благословенная.

По 2-мъ стихословии седалень, гласъ 4:

Страннолюбия добродетель яviste, святии, / въ дому бо вашемъ на всякъ день, / вси требующии помощи прибежище и любовь, яже во Христе, обретаху.

Слава, и ныне, Богородичень:

Милосердия двери отверзи намъ, Благословенная Богородице, / надеющихся на Тя, да не погибнемъ, / но да избавимся Тобою от бедъ, / Ты бо еси спасение рода христианскаго.

По полиелеи седалень, гласъ а:

Вечная ваша память, достоблаженнии Кирилле и Марие, / яко въ родъ и родъ благочестнымъ житиемъ вашимъ / вернии людие спасение уллучати поучаются.

Слава, и ныне, Богородичень:

Упование христианомъ, Пресвятая Дево, / Бога, Его же родила еси, паче ума и слова, / непрестанно моли съ Вышними силами и съ преподобными Кирилломъ и Марией / дати оставление согрешений нашихъ.

Таже степенна, а-й антифонъ г-го гласа. Прокимень, глас г:

Честна предъ Господемъ / смерть преподобныхъ Его. Стихъ: Что воздамъ Господеву о всехъ, яже воздаде ми? Всякое дыхание: Евангелие отъ Матфея, зачало мв.

По 50-мъ псалме стихира, гласъ s:

Приидите, вси вернии, / родители Сергия Великаго восхвалимъ, / сии бо въ лице святыхъ Земли нашея / предстоятъ Престолу Пресвятыя Троицы / и прилежно молятся / о спасении душъ нашихъ.

Канонъ Пресвятей Богородице и преподобнымъ, глас 8, егоже краегранесие: Прославляю родители Сергия Великаго.

Пэснь а.

Ирмосъ: Колесницегонителя фараона погрузи, / чудотворяй иногда/ Моисейский жезлъ, крестообразно поразивъ / и разделивъ море, / Израиля же беглеца, пешеходца спасе, / песнь Богови воспевающа.

Припевъ: Преподобнии Кирилле и Марие, молитвe Бога о насъ. Преподобнаго Сергия, игумена Земли Русския, / светлостями добродетелей возсиявшаго, / родители сподобистесь быти, Кирилле и Марие присноблаженнии.

Ревностно храняще заповедь апостола, страннолюбия не

забывати,/ любвию къ ближнимъ распалаеми, / воистину
удостоистеся, блаженнии, Ангела Божия страннопряти.
Образу вашего благочестиваго супружескаго жития многия люди
удивишася, преподобнии. / Сего бо ради Бгъ васъ прослави и
дарова плодъ благославный, / его же Варфоломея, сына радости
нарекосте.

Богородичень: Славим Тя, Богоневесто, рождшую Христа, Бога
нашего, / Его же моли помиловати и спасти души наша.

Пэснь в.

Ірмось: Утверждей въ начале Небеса разумомъ / и землю на
водахъ основавый, / на камени мя, Христе, заповедей Твоихъ
утверди,/ яко несть святъ, паче Тебе, Едине Человеколюбче.
Людие чудяхуся, / егда услышаша трикратное возглаголаніе
младенца во чреве твоёмъ, Маріе приснопамятная. / Что убо
отроча сие будетъ, / - недоумевающе другъ друга вопрошаху.
Аще родится младенецъ мужеска пола, / приведемъ его въ
церковь, да послужитъ Благодетелю всехъ Богу, / - сие рекли
есте, боголюбивии супрузи, / исполненнии веры славныя и любве
благія.

Великия милости сподобистися от Бга добронравнымъ житиемъ
вашимъ, блаженнии. / Темже и намъ испросите богоприятными
вашими молитвами / оставление греховъ, милости Божія и
Царства Небеснаго.

Богородичень: Лютаго миродержца сетей избави насъ, о
Богомати,/ несть бо теплыя Заступницы, разве Тебе, Владычице.
Седалень, гласъ б:

Прииде, вернии, радостными песньми прославимъ преподобныхъ
Кирилла и Марию, / и, съ любвию лобызающе честныя мощи
ихъ, сие возопиимъ: / радуйтеся, блаженнии, въ боголюбии
пожившии, милосердіе къ ближнимъ имевшии, / образъ честнаго
супружества и попечения о чадахъ явившии,/ смирение
стяжавшии и въ постничестве пребывшии. / Ныне же, предстояще
Святей Троице, молитвами вашими, святии, отечество наше отъ
сопротивныхъ защитите, / болезни исцелите и всякихъ
искушений избавите / верою чтущихъ память вашу.

Слава, и ныне, Богородичень:

Не имамаи инья помощи и надежды, / разве Тебе, Пречистая
Мати Божія,/ Ты бо Бога плотію родила еси паче слова и разума.
/ Его же моли, Безвестная, съ преподобными Кириллом и
Маріею / подати намъ миръ и велию милость.

Пэснь г.

Ірмось: Ты моя крепость, Господи, / Ты моя и сила, / Ты мой Бгъ,
Ты мое радование, / не оставль недра Отча / и нашу нищету
посетивъ. / Темъ съ пророкомъ Аввакумомъ зову Ти: / силе Твоей
слава, Человеколюбче.

Яко же святыи Предтеча възграся радощами во чреве матери
своея, / тако и сынъ твой, Маріе преподобная, възграся во утробе,

молящейся ти Господу въ церкви. / Ты же, страхомъ и трепетомъ
объята бывши зывала еси: / силе Твоей слава, Человеколюбче.
Юдоли плачевней причастницы бывше, / обаче подвигъ
супружества преславне совершивше и во иночестве поживше,
преподобнии, / ныне наслаждаетеся Небесныя трапезы. /
Молитесь ко Господу, да умудритъ православныя супруги во
благочестии пребывати, / иночествующимъ же ревностно обеты
соблюдати.

Радости исполняются днесь российстии собори, / имущи васъ,
блаженнии, теплыя молитвенники / и усердныя заступники
своему земному отечеству.

Богородичень: О, Всепетая Мати! О, мира Спасение! / Не остави
верою Тя призывающихъ, / Ты бо еси Заступница усердная рода
христианскаго.

Пѣснь д.

Ирмосъ: Вскую мя отринулъ еси / отъ лица Твоего, Свете
Незаходимый, / и покрыла мя естъ чуждая тьма, окаяннаго, / но
обрати мя и къ свету заповедей Твоихъ / пути моя направи,
молюся.

Днесь память ваша, блаженнии, созываетъ люди на духовную
трапезу. / Темже сподобите и насъ достойно сия вкусити, / да и
пищи райския во обителехъ Отца Небеснаго вкупе съ вами
насладимся.

Имуще житие благочестиемъ сияющее, достославнии, родителие,
/ воистину древо благословенное явистесь, / плодъ прекрасный
израстивше.

Теплоту вашей любви къ Богу, праведная чето, / и ревность къ
иноческому житию воспрियाъ сынъ вашъ, Сергий достохвальный,
/ навъкая добродетелемъ и служба вамъ до блаженнаго
преставления вашего.

Богородичень: Едину Чистую, едину Благословенную, вернии,
ублажимъ, / къ Сыну бо Своему милостивно руце простираеть, /
да обратимся къ свету заповедей Его и пути наша исправим.

Пѣснь с.

Ирмосъ: Учисти мя спсе, / мнѣга бо беззаконїя моя, / и изъ
глубины свѣль возведи, молюся: / къ тебѣ бо возопихъ, и услыши
мя, / бже спсєнїя моего.

Лѣтняя ваша память веселитъ сословіе иноковъ, прпбнїи курїлле и
марїе. / Воистину блажени есте, зкѣ имена ваша прославляются съ
сыномъ вашимъ, сергіемъ прпбнымъ, / егоже величаютъ игумена
земли русскїя.

Истину въ житии взыскующе, преподобнии, / о телесныхъ
небрегосте и земная преобидесте, / темже, мира отрєкшєся, во
обитель Хотьковскую вселистєся, / идеже въ подвизе иночества
дobre почисте.

Сохраните отъ золь вашими теплыми къ Бгу молитвами,
преподобнии, / всехъ, жительствующихъ во обители вашей, / ей
же вы начальницы и покровителие.

Богородиченъ: Его же родила еси, Сына Твоего и Бога, / молити не престай, Богоневесто, / да избавить обитель Твою отъ всякаго зла и спасеть души наша.

Кондакъ, гласъ г:

Днесъ, вернии, сошедшеся, / восхвалимъ двоицу блаженную благовернаго Кирилла и Марию добронравную, / тии бо молятся вкупе со возлюбленнымъ сыномъ своимъ, преподобнымъ Сергиемъ, / ко Единому во Святей Троице Богу, / отечество наше въ правоверии утвердiti, / дома миромъ оградiti, / юныя отъ напастей и соблазновъ избавiti, / старость укрепiti / и спасти души наша.

Пѣснь з.

Ірмосъ: Божия снизхождениа / огонь устыдеса въ Вавилоне иногда. / Сего ради отроцы въ печи, радованною ногою, / яко во цветнице, ликующе, пояху: / благословенъ еси, Боже отецъ нашихъ.

Рака мощей вашихъ днесъ чудеса источаетъ / верою притекающимъ къ вамъ, блаженнии, иже и воспевають: / благословенъ еси, Боже отецъ нашихъ.

Градъ Москва и окрестныя грады и веси / прославляютъ васъ своя избавители отъ напрасныя смерти и целители отъ смертоносныя язвы. / Сего ради днесъ, яко же прежде спасайте почитающихъ васъ, преподобнии.

Измлада тяжкою болезнею одержима, / девица некая внезапное исцеление приять вашими и сына вашего къ Богу молитвами. / Съ нею же и мы благодарственно взываемъ: / благословенъ еси, Боже отецъ нашихъ.

Богородиченъ: Яко Деву и едину въ женахъ, безсеменно рождшую Бога плотию / прославляемъ Тя, о Богомати, / и таковому Божию смотрению удивльшеся, взываемъ: / благословенъ еси, Боже отецъ нашихъ.

Пѣснь и.

Ірмосъ: Седмерицею пещь / халдейский мучитель / богочестивымъ неистовно разжже, / силою же лучшею спасены сия видевъ, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.

Воспоимъ, вернии, всечестную двоицу, Кирилла и Марию богоблаженныхъ, / отъ нихъ бо возсия намъ Сергий досточудный, / украшение Церкви Православныя и монашествующихъ утверждение.

Единомудрени и единомушни добродетельми бысте, целомудреннии супрузи. / Помозите намъ въ чистоте и святости житие провождати, / васъ бо теплыя ходатаи къ Богу стяжахомъ. Любовь Христову, яже есть твердое основание супружеския жизни, / со тщаниемъ, блаженнии, хранили есте. / Сего ради молимъ васъ: / помозите супругомъ православнымъ въ любви сей пребывати / и домомъ ихъ благословение Божие стяжати.

Богородиченъ: Избави насъ отъ бедъ и многихъ соблазновъ,

Всенепорочная, / Тебе бо вси стяжахомъ прибежище и
утверждение и спасение душъ нашихъ.

Пѣснь ѳ.

Ирмосъ: Ужасеся о семъ Небо, / и земли удивишася концы, / яко
Бгъ явися человекомъ плотски / и чрево Твое бысть
пространнейшее Небес. / Темъ Тя, Богородицу, / Ангеловъ и
человекъ чиновначалия величаютъ.

Како ублажимъ вы, предобрая двоице! / Како прославимъ благое
сопряжение! / Аще и земнии бысте, но Небесныхъ достигосте,
блаженнии, / идеже Святей Троице предстоите и молитвѣ спастися
любовию васъ почитающимъ.

Ангельски на земли поживше, / ангела земнаго и человека
небеснаго, преподобнаго Сергия, миру яviste, святии, / ныне же
со Ангелы вкупѣ водворяетея / и съ ними Трисвятую пѣснь
Богови воспевае.

Господь обитель Хотьковскую вами прослави, преподобнии
иноцы, / ею же Церковь Русская украшается и вамъ сице вопиеть:
/ радуйтея, всѣхвальнии, отечеству нашему тверди заступницы.
Богородичень: О, великое заступление печальнымъ, Богородице!
/ О, милости пучина и миру Покровъ! / Все упование на Тя
возлагаемъ, сохрани насъ подъ кровомъ Твоимъ.

Светилень:

Радуется днесь светло Церковь Русская, / почитающи память вашу
пречестную, Кирилле блаженне и Марие достохвальная. / Вами бо
образъ веры и благочестия показася / и светильникъ отечеству
нашему, Сергий преподобный, явися.

Слава, и ныне, Богородичень:

Яже Светъ Божественный неизреченно рождшая, / омраченныхъ
насъ прилогами лукаваго и въ лености живущихъ просвети,
Всенепорочная, / и настави къ добродетелемъ, яко всѣхъ благихъ
Подательница.

На хвалитехъ стихиры, гласъ г:

Приспе днесь праздникъ преподобныхъ Кирилла и Марии, /
радости духовныя исполненный, / приидите, россиястии собори, /
светло торжествуемъ, / и сихъ хвалами и пѣснями почтимъ: /
радуйтея, Небеснии человецы и земнии ангели, / Земле
Российския заступницы и хранителие, / и молитвенницы о
душахъ нашихъ.

Заповедь страннолюбия соблюли есте, святии, / людемъ бо въ
путышествии сущимъ, / домъ свой прибежище являете. / Ныне же
въ Небесныхъ чертозахъ пребывающе, / намъ, въ странствии
жития сущимъ / въ крове Бога Небеснаго помозите водворитися /
вашими молитвами, блаженнии.

Добродетельми сияюще, / благочестно въ мире пожили есте, /
святѣ Кирилле и преславная Марие, / смиренномудриемъ и
чистотою украшенная. / Ныне же ходатаи къ Богу будите о
отечестве нашемъ / и греховъ оставление испросите / чтущимъ
любовию святую память вашу.

Блаженства непорочныхъ вожделевше, / путемъ заповедей
Господнихъ текосте / и, суеты житейския избавитися хотяще, / во
обитель Пресвятыя Богородицы вселистесе, / идеже земное
странствие скончавше, / Вышняго Сиона достигосте. / Молитесь о
насъ, преподобнии, / причастие Небеснаго Царствия и спасения
душъ нашихъ улучити.

Слава, гласъ 8:

Приидите, празднлюбцы, / песньми духовными благочестно
восхвалимъ / честную двоицу, благочестивую чету, / Кирилла и
Марию приснопамятныхъ, / иже во обитель Хотьковскую
притекше, / идеже и вечное упокоение обретоша. / Днесъ же, раце
мощей ихъ молитвенно предстояще, / яко покровителемъ и
начальникомъ обители сия, / вкупе вси согласно взываемъ: /
раduitесь, преподобнии Кирилле и Марие, / обители Хотьковския
преславное украшение.

И ныне, Богородичень:

Владычице, приими молитвы рабъ Твоихъ / и избави насъ / отъ
всякия нужды и печали.

Славословіе великое. ектеніи и ттпустъ.

На Літургіи

Блаженны т канѡна песни г-я и с-я. Прокімень, гласъ з:

Честна предъ гдемъ / смерть преподобныхъ егѡ. Стіхъ: Что
воздамъ гдѡи ѡ всѣхъ, зже воздаде ми; апль къ галатѡмъ, зачало
сги. аллилуіа, гласъ с: блаженъ мужъ, бояйся гда, въ заповедехъ
его восхоцетъ сѣлѡ. стіхъ: сильно на земли будетъ сѣмя его. еѡліе т
матфеа, зачало і. причастный: радуйтесе, праведніи ѡ гдѣ,
правымъ подобаетъ похвала.